

Ո Ր Ո Շ ՈՒ Մ

Վարչական բողոքը մասնակի բավարարելու, Ճանապարհային ոստիկանության վարչական տույժ նշանակելու մասին 05.03.2019թ. թիվ 1909191545 որոշումը բեկանելու, իսկ 05.03.2019թ. թիվ 1909191530 որոշումն անփոփոխ թողնելու մասին

<<22>> 03 2019թ. 17-13 24025-19/17-13 1467

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Հարություն Նորամիրյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Եր.Քոչար փողոցի 1-ին շենքի 39-րդ բնակարանի բնակիչ Հարություն Նորամիրյանը դիմումով խնդրել է բեկանել կանգառ կատարելու կանոնները խախտելու համար Ճանապարհային ոստիկանության կողմից կայացված վարչական տույժ նշանակելու մասին մասին 05.03.2019թ. թիվ 1909191545 և 05.03.2019թ. թիվ 1909191530 որոշումներից մեկը՝ նշելով, որ նույն իրավախախտման համար կայացվել է տարբեր որոշումներ:

Դիմումի քննարկման արդյունքում պարզվել է, որ դիմումատուի խնդրանքը ենթակա է բավարարման՝ հետևյալ պատճառաբանությամբ.

Ճանապարհային ոստիկանության 05.03.2019թ. թիվ 1909191530 և 05.03.2019թ. թիվ 1909191545 որոշումների հիմքերում դրված տեսանյութերը փաստում են, որ դիմումատուին պատկանող տրանսպորտային միջոցի վարորդը ենթարկվել է վարչական պատասխանատվության կանգառ կատարելու կանոնները խախտելու համար՝ Երևան քաղաքի Սայաթ-Նովա - Աբովյան փողոցների խաչմերուկի հատվածում, ինչը արձանագրվել է 13.02.2019թ-ին, ժամը՝ 16:28-ին և Սայաթ-Նովա - Տերյան փողոցների խաչմերուկի հատվածում՝ 13.02.2019թ-ին, ժամը՝ 16:33-ին:

<<Վարչարարության հիմունքների և վարչական վարույթի մասին>> ՀՀ օրենքի 43-րդ հոդվածի 1-ին մասի <<Բ>> կետի համաձայն՝ անձի եւ վարչական մարմնի փոխհարաբերություններում ապացուցման պարտականությունը կրում է վարչական մարմինը՝ անձի համար ոչ բարենպաստ փաստական հանգամանքների առկայության դեպքում:

Նկատի ունենալով, որ նշված վայրում կանգառ կատարելու համար դիմումատուն Ճանապարհային ոստիկանության 05.03.2019թ. թիվ 1909191530 որոշմամբ արդեն իսկ ենթարկվել է վարչական պատասխանատվության և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 05.03.2019թ. թիվ 1909191545 որոշումը բեկանել և վարչական իրավախախտման վերաբերյալ գործի վարույթը կարճել:
2. Ճանապարհային ոստիկանության վարչական տույժ նշանակելու մասին 05.03.2019թ. թիվ 1909191530 որոշումը թողնել անփոփոխ, իսկ վարչական բողոքը՝ դրան վերաբերող մասով, առանց բավարարման:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Հարություն Նորամիրյանին:

(Handwritten signature)



Ե. Կարապետյան

կատարող Կ.Ահարոնյան